

武備志

明·茅元儀輯



武備志第十七冊

卷一七七	占度載	
占三十	奇門玄覽一	7361
卷一七八	占度載	
占三十一	奇門玄覽二	7391
卷一七九	占度載	
占三十二	通甲符應經纂一	7425
卷一八〇	占度載	
占三十三	通甲符應經纂二	7461
卷一八一	占度載	
占三十四	通甲符應經纂三	7497
卷一八二	占度載	
占三十五	大六壬直指	7541
卷一八三	占度載	
占三十六	大六壬軍帳賦	7575
卷一八四	占度載	
占三十七	大六壬兵帳鈎玄	7635
卷一八五	占度載	
占三十八	大六壬兵占	7673
卷一八六	占度載	
占三十九	軍中雜占	7693
卷一八七	占度載	
占四十	選擇	7725
卷一八八	占度載	
占四十一	厭禳	7769

武備志卷一百七十七

防風茅元儀輯

占度載

占三十

奇門

茅子曰奇門之說昭然于天下也而精之者寡非學之者不衆也蓋其故有三飛宮之法合于洛書然其離合變化雖至熟者而或消其難一超神接氣奇門之本也而置問之法曆家專門之所難而

欲定千倉卒其難二分局定盤說亦瑣矣約之者
欲以十八局而盡一千八十局之變廣之者雖以
千八十局而不足以究十八局之微其難三兼之
推明其吉凶則首趨避首趨避則事符呪事符呪
而尅應步罡諸說襍興其言驗而不可以訓也其
言不驗而不可以傳也于是而精者寡矣有得我
同然者著玄覽其衡子以定宮至簡也酌法以置
閏至明也因盤以布局至約也明乎三者而思過
半矣景祐遁甲符應經者宋景祐時人所著也博

而析卓哉莫之過也、刪其起例同于玄覽者而爲之纂于是乎言奇門而不精、非教之罪也、六甲者、貴神也、六丁者、尤貴者也、乘造化之精靈而幹運陰陽之際、得其竅、可以制之、其專門之學、有煉器煉形祭禱符籙要之皆奇門之緒也、存其約略而不詳、所以訓、所以傳也、

奇門玄覽

釋義第一

凡例第二

口訣第三

圖式第四

閏奇第五

諸格第六

註解第七

釋義第一

遁甲者何、天干凡十、甲爲之首統領諸干、至尊至
貴、其所畏者、獨庚金耳、故須遁匿其甲、勿使受尅
於庚、然乙爲甲妹、可以配之、使其情有所牽、而丁

原甲不
相見

爲甲男女可以制之使其勢不得肆故以乙丙丁爲三奇又十干中戊巳庚辛壬癸乙丙丁皆專制用事而甲無專位與六干同處甲子同六戌甲戌同六巳甲申同六庚甲午同六辛甲辰同六壬甲寅同六癸又以六十花甲子布於九宮起宮爲甲子遁一位爲甲戌又遁一位爲甲申之類皆有遁甲之義獨餘乙丙丁無與同者亦三奇之義也八門者休生傷杜景死驚開也九星者天蓬天芮天衝天輔天禽寄坤宮天心天柱天任天英也九星八

門在地盤原有定位如休門天蓬屬坎之類此一定不易者其在天盤則隨直符直使所指與地盤參錯相值而吉凶生焉乙爲日奇丙爲月奇丁爲星奇三奇若遇休開生三門謂之奇與門合休一在坎屬水開六在乾屬金生八在艮屬土卽曆家所謂三白也又八詐門者直符騰蛇太陰六合勾陳朱雀九地九天是也此直符隨九星直符所指陽則順旋陰則逆轉其中九天九地六合太陰爲吉若得奇得門而又直此四位是爲全吉然又有

反吟伏吟休囚旺相擊刑迫制之類不可不察神而明之變而通之存乎其人耳

凡例第二

一夏至後陰遁用逆局只在九宮上逆數若移入八卦數方位不拘陰陽二局皆當順行

一九星在九宮者其序天蓬天芮天衝天輔天禽天心天柱天任天英以坎坤震巽中乾兌艮離爲次

一九星在八卦數方位者其序天蓬天任天衝天

輔天英天芮天柱天心五官天禽無位寄在坤二
官與天芮同處以乾坎艮震巽離坤兌爲定

一六儀三奇皆在九宮掌上照順逆循次排布待
符使既定然後移入八卦順數方位也

一六儀甲子同六戊之類六甲與六壬只同一位
順則俱順逆則俱逆舊時分開兩次排布今製奇
子合而爲一極爲省便

口訣第三

先觀二至以分順逆

冬至後爲陽遁順布六儀逆布三奇夏至後爲陰遁逆布六奇順布三奇

次觀節氣以定三元

三元者上中下三局也五日爲一候三候爲一氣一月有二氣一年有二十四氣此法以甲巳二將爲符頭符頭所臨之支如值子午卯酉則爲上元如值寅申巳亥則爲中元如值辰戌丑未則爲下元五日一換符頭故半月一氣而三局周也假如冬至節用事按起例云冬至一七

四是一爲上元七爲中元四爲下元本日符頭
是上元用一字則從坎宮起是中元用七字則
從兌宮起是下元用四字則從巽宮起餘倣此
次觀旬首以取符使

旬首者用事之時所管之六甲也看本時旬首
是何甲卽從應起之宮依陽順陰逆數之旬首
所泊之宮星卽爲直符門卽爲直使如在坎宮
則天蓬爲直符休門爲直使餘倣此

直符隨時于

看所用時干，泊在地盤何宮，卽以天盤直符移在此宮，却從八卦數之，則乙丙丁三奇所臨之方見矣。

直使隨時宮

看所用時辰，泊在地盤何宮，卽以天盤直使移在此宮，却從八卦數之，則休開生所臨之門見矣。

小直符加大直符

以八詐門之直符，加於九星直符所臨之宮，陽

順陰逆則六合太陰九天九地之方見矣

九 乾六 兌七 艮八 離九

宮

中五

次

序 巽四 震三 坤二 坎一

右九宮者、八卦之用所謂動則依次而行、

八 坤二 兌七 乾六

卦

離九 坎一

方

位 巽四 震三 艮八

右八卦者、九宮之體、所謂靜則隨方而定

定三元上中下局使覽

陽道順局

冬至

驚蟄 一七四

小寒 二八五

大寒

春分 三九六

立春 八五二

雨水 九六三

清明

立夏 四一七

穀雨

小滿 五二八

芒種 六三九

陰道逆局

夏至

白露 九三六

小暑 八二五

大暑

秋分 七 四

立秋 二五八

處暑 一四七

寒露

立冬 六九三

霜降

小雪 五八二

大雪 四七一

此爲起宮要訣，舊載不明，令人茫然無下手處。今特爲揭出，大抵以九宮分管二十四氣數法，先認八節所屬之宮，如立春艮、春分震之類，既然明白，然後遇冬至後則順數節氣而逆數吊宮，夏至後則逆數節氣而順數吊宮，吊宮者即三合□□□□之順逆，但遇八節當尋本位，其遇□□□□之變□□□□又至簡變，指掌可見，不必盡拘前法也。

圖式第四

地盤圖



地盤內列九星八
門原定之位靜而
不動又增八刑制
衝墓諸忌天盤臨
之便知趨避